

Broj: 06-03-261-09/2/10
Mostar, 14.05.2010. godine

Na osnovu člana 79. stav (2) Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04) člana 29., člana 31. stav (2), člana 37. stav (3), člana 45. stav (1) i člana 62. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), člana 4, člana 5, člana 8, člana 9, člana 10, člana 11. i člana 16. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), člana 16. Pravilnika za izdavanje dozvola - licenci („Službene novine Federacije BiH“ broj 29/05) i Odluke FERK-a broj 06-03-261-08/2/10 od 14.05.2010. godine, Regulatorna komisija za električnu energiju u Federaciji Bosne i Hercegovine-FERK, na VII redovnoj sjednici održanoj 14.05.2010. godine je donijela sljedeću

O D L U K U

Član 1.

Opšta rasprava o nacrtu Dozvole za rad – licence za obavljanje elektroprivredne djelatnosti snabdijevanja električnom energijom drugog reda po Zahtjevu za obnovu dozvole za rad – licence za djelatnost snabdijevanja električnom energijom drugog reda broj 06-03-261/2/10 od 26.02.2010. godine, podnosioca zahtjeva Interenergo d.o.o. Sarajevo održat će se dana 21.05.2010. godine u 12:00 sati, u prostorijama FERK-a u Mostaru.

Član 2.

- (1) Imenuje se Monija Nogulić, specijalista za distributivnu djelatnost, za Voditelja postupka opšte rasprave o nacrtu Dozvole za rad-licence za obavljanje elektroprivredne djelatnosti snabdijevanja električnom energijom drugog reda, podnosioca zahtjeva Interenergo d.o.o. Sarajevo. Zadatak voditelja postupka je uspostavljanje postupka za raspravu u skladu sa pravilima i propisima FERK-a i predsjedavanje raspravom.
- (2) Po zaključivanju postupka opće rasprave, voditelj postupka iz stava (1) ovog člana, dužan je izraditi pisani izvještaj sa preporukom za razmatranje FERK-u, u roku od sedam dana, a po potrebi može dati i usmeni izvještaj FERK-u na internom sastanku ili redovnoj sjednici, te preporuku za donošenje odluke FERK-a.

Član 3.

- (1) Obavještenje za javnost o opštoj raspravi o nacrtu Dozvole za rad-licence za obavljanje elektroprivredne djelatnosti snabdijevanja električnom energijom drugog reda, podnosioca zahtjeva Interenergo d.o.o. Sarajevo, objavit će se u „Dnevnom listu“ i „Dnevnom avazu“, kao i na web stranici FERK-a na dan 17.05.2010. godine.
- (2) Tekst Obavještenja za javnost o opštoj raspravi o nacrtu Dozvole za rad-licence za obavljanje elektroprivredne djelatnosti snabdijevanja električnom energijom drugog reda je sastavni dio ove odluke.
- (3) Zainteresovana pravna i fizička lica mogu podnositi pisane komentare na nacrt Dozvole za rad- licence za obavljanje elektroprivredne djelatnosti snabdijevanja električnom energijom drugog reda na adresu FERK-a ili putem elektronske adrese FERK-a, u periodu od 17.05. do 31.05.2010. godine.

Član 4.

Ova odluka stupa na snagu danom donošenja, te se objavljuje na oglasnoj tabli i web stranici FERK-a.

O b r a z l o ž e n j e

Članom 29. stav (1) Poslovnika o radu FERK-a i članom 4. Pravilnika o javnim raspravama i rješavanju zahtjeva i žalbi FERK-a propisano je koje vrste javnih rasprava FERK može voditi tokom postupaka opisanih pred FERK-om, kao i da FERK zadržava diskreciono pravo da definiše vrstu rasprave koja će se provesti u bilo kojem postupku koji treba da se održi pred FERK-om.

Članom 29. stav (2) Poslovnika o radu FERK-a i članom 5. Pravilnika o javnim raspravama i rješavanju zahtjeva i žalbi FERK-a propisano je da se opšta rasprava vodi u cilju saslušanja komentara zainteresovanih lica i javnosti na pravilo, propis ili bilo koji drugi dokument predložen od strane FERK-a, kao i njihovog razmatranja i eventualnog prihvatanja, te da FERK propisuje način dostavljanja pismenih komentara, kao i mjesto, vrijeme i način održavanja opšte rasprave. Članom 8. Pravilnika o javnim raspravama i rješavanju zahtjeva i žalbi FERK-a propisano je da postupak opšte rasprave počinje odlukom FERK-a na redovnoj sjednici, kojom se propisuje predmet opšte rasprave, način dostave komentara javnosti, mjesto i vrijeme održavanja opšte rasprave i imenuje voditelj postupka, dok je članom 10. istog Pravilnika propisan pored ostalog sadržaj obavještenja za javnost, kao i da FERK objavljuje obavještenje o opštoj raspravi, te da se obavještenje za javnost objavljuje u jednom ili više pisanih medija koji izlaze na cijeloj teritoriji Federacije Bosne i Hercegovine i na web stranici FERK-a ne kasnije od osam dana prije datuma održavanja opšte rasprave, dok je članom 11. ovog Pravilnika propisan cilj obavještenja za javnost.

Članom 62. Poslovnika o radu FERK-a određeno je da FERK može delegirati svoja ovlaštenja jednom članu FERK-a ili licu zaposlenom u FERK-u da bude voditelj postupka u bilo kojem postupku FERK-a kako bi se osiguralo funkcionisanje FERK-a. Član 9. stav (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine propisuje da voditelj postupka predsjedava opštom raspravom i vodi raspravu u skladu sa pravilima i propisima FERK-a, te da osigurava vođenje odgovarajućih zabilješki tokom rasprave i priprema pisani izvještaj, koje sadrži kratak pregled toka rasprave i preporuke za razmatranje FERK-u, a može podnijeti i dodatni usmeni izvještaj na internim sastancima i redovnim sjednicama FERK-a, dok je članom 16. istog Pravilnika propisano i da voditelj postupka pisani izvještaj dostavlja stranama u postupku i svaka strana ima mogućnost dostaviti komentare na izvještaj za razmatranje FERK-u prije konačnog odlučivanja.

FERK je na VII redovnoj sjednici održanoj dana 14.05.2010. godine, usvojio nacrt Dozvole za rad-licence za obavljanje elektroprivredne djelatnosti snabdijevanja električnom energijom drugog reda podnosioca zahtjeva Interenergo d.o.o. Sarajevo, koji se u skladu sa navedenim upućuju u postupak javnih rasprava.

Na osnovu svega navedenog odlučeno je kao u dispozitivu.

PREDSJEDNIK FERK-a:
Zdenko Šimunović s.r.